

楚国文公主斋碑记

从来建一代之皇极，必有一代之扶持，君与相是也。生代之才人，必有一代之经济，文与行是也。尝读史至元，如耶律楚才，夔夔、脱脱，山童、木华、黎，诸先达，君相同心、文行一致，鲜不谓王气钟于西北，孰知太和翔洽，世际雍熙，如虞集、许衡、揭溪、斯辈所产，又皆东南之士。而殊尤卓萃，则欧阳楚国文公为最。粤稽延祐元年，公以天马赋应制，登贤书，及至正丁酉卒。于官中间，为县令、为博士、为翰林、为祭酒、为承旨、为知制诰、为备顾问，叠叠煌煌，龙章宠锡，凡定大事决大疑，恐得君未有若是之专也。

康熙辛丑，余以庸劣视学三楚，下车武昌，访贺江夏熊持纲碣焉；登岷山拜羊叔子孟襄阳碑焉；过洞庭以南，仰道州之师范，茶陵之相业，泊江之奇功非不心焉。志之，然询其子孙世系，均能奉血食，以永其春秋，惟楚国文公故里，僻在星沙之浏邑，问其地皆崇山峻岭，崢嶸崎峭，难驰马挈舟，以溯其源需三日夜。又闻公之读书处，有南山书院，几经烬蚀，破庙颓垣店椽椳楣，如瘞鹤亭，词宇阙略，倔疆不可读，余固适然惊矣。嗟

乎!公以一代名臣，有元之制诰、册命纂修方略尽出其手，而故里庙碑竟不得一过其地，余之恨也。幸其孙胜谦克纘先绪，独力经营，于庚子岁，仍其制而更新焉。有浏生尹际商等来请于余，乃忻然任之，是余之责也。

公讳元，字原功，号圭斋，为名卿大夫，生于浏邑之马渡，志其始也。而卒于顺天之宛平，志其终也。浏有祀田百亩，治其蒸尝子孙，世有袭荫以奉其祀墓，在宛平香山石井村，孙继宗改归葬院后，逢大庆褒锡，勋庸特加恩祭春秋，祀典备载史册，学士危素又能张大其事，撰其文，余备位馆垣，辱在史臣，续词以志公，约去四百年也。略详其续碑始末，如此故不得赘云。

清康熙辛丑岁湖广督学使者黎致远撰